

VAKALELE LAU PASESE KI NIUE

TAU HŪHŪ NE FA TALAHAU TUMAU

Ko e heigoa e tau mena ke nofo amaamanaki ki ai e tagata to tuku fenoga ki Niue?

Ko e tau pasese oti kua amanaki ke tuku fenoga ki Niue kia maopoopo e tau mena nai:

- Kua katoatoa e tau huki puipui he tagata to hokomai ki Niue
- Kia tivi ko e nakai moua e moko COVID -19 (NEGATIVE) to fakatoka e fenoga, ti pihia ka hokomai ki Niue
- Kia nofo ke 14 e aho i Niu Silani to fakatoka e fenoga ki Niue
- Kia tivi e tūaga malolō he tino he malē vakalele i Okalana
- Kia nofo puipui he kaina pauaki, ke he 14 e aho he leva ka hokomai ki Niue

Hanai e tau fakailoaga ke tamai ke he Ofisa he Tohi Kupu Lahi he Fakatufono to fakahoko e fenoga ki Niue. Kaeke kua nakai katoatoa e tau fatifatiaga nai, to nakai maeke e tagata ke fakamau e higoa mo e fua e tau kato he malē vakalele i Okalana.

Matutakiaga niue.secgov@mail.gov.nu po ke +683 4308 ma e falu iloaaga foki

Kia Mailoga: Ko lautolu ne nakai nonofomau i Niue po ko lautolu ne nonofo pemitā to fai fatifatiaga lafi ki luga.

Kaeke ko e nofo e tagata he kaina puipui pauaki, ko e heigoa e tonuhia he tagata?

Ke kamata he magaaho ne heke ai e vakalele, ko e tau pasese oti kua tuku he vahega ko e taha e potopotoaga tagata.

TAU HŪHŪ MA E TAU TAGATA OTI HA KO E NONOFO PUIPUI HE KAINA PAUAKI

1) Maeke nakai au ke uta taha mena kai ma e haaku magafaoa?

E, maeke ka e uta ni e kai haau he tau magaaho kua fafati. Kia taatu e kai haau ti toka mo e tau tagata gahua, ti fano a koe. Hanai e tau fufuta magaaho kua fafati:

- | | | |
|----------------|------------------------------------|------------------|
| ○ Kai pogipogi | matahola 6 ke he matahola 8 | 6:00am - 8:00am |
| ○ Kai Laā | matahola 11 ke he matahola 1 | 11:00am - 1:00pm |
| ○ Kai afiafi | matahola 5 ke he hafa e matahola 7 | 5:00pm - 7:30pm |

2) Maeke nakai au ke ahiahi atu ke he haaku magafaoa po ke tau kapitiga he kaina puipui pauaki mo e tutala kia lautolu, ka e fakavehā he pā lapatoa tuga fa taute fakamua?

Nakai maeke. Ko e fakatufono foou, to nakai fai tagata ke ahiahi atu he 14 e aho katoatoa ne fakatoka.

3) Ka e kua ka lata ia au ke uta mafiti taha fekau ke he tagata he kaina nofo puipui pauaki i Homofiti?

Ko koe ka matutaki ke he kaugahua Puipui mafola ke lata mo e fekau haau kaeke ko e fekaumafiti. Ko e numela telefoni ke hea ki ai: 888 5672.

4) Ka e kua kaeke kua mate fakaofa e hila he kaina nofo puipui i Homofiti?

Kua hā hā he Faahi Gahua Leoleo e masini tavili hila kua fakatoka pauaki, ke fakamou i ka mate e hila.

5) Ko e heigoa ka tupu kaeke kua nakai fai vai a Homofiti?

To matakaki he Faahi Gahua hila mo e Faahi gahua vai, e tula vai a Tamakautoga he tau aho takitaha. Kaeke kua fai lekua, kua fitā e tau fakatokatokaaga he mau ke fai vai tumau e maaga Tamakautoga.

6) Ka e kua e tula ne tafe kia ai e tau vai falevao (sepetiki) i Homofiti?

Ko e tau tula he tapa lalo, to fakameā lima lagataha he faahi tapu. To fijili mo e ole taha tagata kua nofo puipui ne kua lata mo e gahua ke lagomatai e fekau ia.

7) Ko e heigoa e tau fakatokaaga kaeke kua fai lekua tupu fakaofu ti lata ke utakehe e tau pasese i Homofiti?

Ko e tau pasese oti he kaina nofo puipui to taatu ki Lialagi ka e muitua ke he tau levekiaga ke he gagao COVID mo e tau puipuiaga ke fakatauō tatai.

Fakatokaaga kaeke kua fai tagata kua moua he gagao COVID

1) Ko e heigoa e lakaaga kaeke kua tivi ti fai gagao COVID taha tagata i Homofiti ne nofo puipui?

To uta ni ke he kitiaaga he tatalu. Kaeke ko e fakatino tuga e fulū, to nofo ni he kaina puipui he poko haana ka e tokamata ki ai e kaugahua he fale gagao.

Kaeke kua lata ke kitia mafiti, to taatu a lautolu ke he kaina he tau Momotua he Fale Gagao Niue Foou, he taha poko ne kua taute pauaki ke nofo fakakū a ia ne tatalu. Ko ia foki ne tatalu, to tivi ke he gagao COVID fakamua, to taatu ke he Fale Gagao Niue Foou.

Kaeke kua tatalu lahi e tagata ti lata mo e taha lakaaga foki ke tului, to fakafano a ia he vakalele ma e tau tagata gagao ki Niu Silani. Ko e tau fakatokatokaaga ma e lakaaga nai kua fitā he mau.

Kia mailoga, ko lautolu oti he Kaina nofo puipui gagao i Homofiti kua katoatoa e tau huki puipui (kua huki lagaua)

Kaeke kua moua taha ne nofo puipui gagao i Homofiti he gagao COVID, kua fai tauteaga kua fakatoka he palana ma e tau lekua pihia he motu.

2) Ko e heigoa e tau mena taute kaeke kua fai kafokia kehe e taha pasese ne nofo puipui gagao; tuga e kelea ka gagau he pi.

To uta ni e tauteaga ke he kitiaaga he lekua. Kaeke ko e tuga e fulū, to nofo he kaina puipui gagao he haana a poko mo e tokamata ki ai e kaugahua he fale gagao.

Kaeke kua lata ke kitia mafiti, to taatu a lautolu ke he Kaina Leveki he tau Momotua he Fale gagao, Niue Foou, he taha poko kua taute pauaki ke nofo fakakū a ia ne fai kafokia.

Ko ia ne fai kafokia, to tivi fakamua foki a ia ke he gagao COVID to taatu ke he fale gagao Niue Foou. Ko e fakaholoaga ke tului a ia to muitua fakalahi ke he tau puhala leveki ke taofi ua pikitia taha ato hokotia e 14 aho ke nofo puipui.

Kaeke kua gagao lahi e tagata ti lata mo e taha lakaaga foki ke tului, to fakafano a ia he vakalele ma e tautagata gagao ki Niu Silani. Ko e tau fakatokatokaaga ma e lakaaga nai kua fitā he mau.

3) Ti ko e heigoa e mena ka tupu kia lautolu ne nonofo he Kaina Leveki he tau Momotua?

Kaeke kua tōkauanaka ke moua taha he gagao COVID ti taatu ke he fale gagao, ko lautolu ne nonofo he Kaina Leveki he tau Momotua to liuaki ke he tau kaina ha lautolu po ke taatu ke he taha kaina kua

fifili ke nonofo fakakū ai. To fakatumau ke fai levekiaga mai he Fale gagao ka e nakai hokotia ke he tau levekiaga he Kaina Leveki he tau Momotua ti ko e mena ia ne manako ke he tau magafaoa ke lagomatai ke he falu a mena.

Ne fakailoa ke he tau magafaoa he mataulu he tau 2020 he magaaho ne kamata ai e gagao nai he lalolagi, ke lata mo e levekiaga he tau momotua. Kaeke kua nakai maeke e tau magafaoa ke leveki a lautolu, to lagomatai ke kumi foki taha kaina.

Kaeke kua fai tagata mai he Kaina nofo puipui gagao kua taatu ke he Kaina Leveki he tau Momotua ha ko e taha kafokia foki, to nakai ō kehe a lautolu ne nonofo mau he Kaina leveki he tau momotua.

4) Kua amanaki ka ke leveki he tau magafaoa a lautolu?

E. Ko e tau magafaoa oti, kia leveki a lautolu ato liu e faahi malolō tino ke fakaatā a lautolu ke liliu, kaeke kua oti e fakameā fakamakutu he Kaina Leveki he tau Momotua. Kaeke kua manako ke he taha lagomatai he faahi malolō tino, he nofo mo e magafaoa, to eke pihia.

5) Ka e kua kaeke kua nakai maeke e tau magafaoa ke leveki a lautolu?

To taatu fakakū a lautolu ke he taha poko he fale gagao. Kaeke kua nakai fai poko atā, to lagomatai ke kumi foki taha kaina ke nofo fakakū. Kaeke kua moua e kaina ia, ti manako taha levekiaga mai he faahi malolō tino, to eke pihia.

6) Ko e ha ne tālaga fakatata e fale ma e tau tatalu COVID ke he Kaina Leveki he tau Momotua?

To nakai lakafia e gahua he fale ma e tatalu COVID ke he Kaina Leveki he tau momotua. Ko e fale kua tālaga maō ke taofi e moko mo e muitua ke he tau fakatokaaga ke ua pikitia taha, he tau magaaho oti.

7) To mau he magaaho fē e fale nofo puipui he Fale Gagao Niue Fouu?

Kua amanaki ke mau he mahna Tesemo.

8) Ko e heigoa e mena ka tupu ke he kaugahua he Fale Gagao kaeke kua fai gagao COVID? Kua fai kaina nakai kua fakatoka ke nonofo ai a lautolu ke fakatumau ke gahua, ka e nakai liliu atu ke he tau kaina mo e fakapikitia e tau magafaoa?

Kaeke kua tōkaunaka ke moua he taha e gagao COVID, to ha hā i ai e kaugahua pauaki he fale gagao ke leveki atu kia ia. Ko e kaugahua nai, kua lalafi atu ke he potopotoaga taha mo ia ne tatalu mo e nonofo kehe mo e tau magafaoa ha lautolu ato malolō a ia ne tatalu. Ko e taha kaina ke nonofo ai e kaugahua kua fakatoka foki ke tumau ha lautolu a nonofo auloa.

9) Ka e kua falu tagata gahua foki tuga e kaugahua puipui mafola I Homofiti, tau tagata fakaholo peleōafi ne kua fakatata atu kia ia ne tatalu.

To fai kaina foki ka fakatoka ke nonofo ai ha tagata ne tuahā kua fakatata atu kia ia ne tatalu.

10) Fai masini lagomatai fafagu nakai e Fale Gagao?

E. Ko e 11 e masini lagomatai fafagu he Fale Gagao.

11) Kaeke kua fai tagata tatalu COVID he Kaina Leveki he tau Momotua, to pā nakai e fale gagao?

Nakai. To fakatumau e fale gagao ke hafagi mo e gahuahua tuga fa mahani. To ahiahi kaina e taha ekekkafo mo e nosi kaeke kua manako. To pā takai e Kaina Leveki he tau Momotua mo e nakai fai matutakiaga e tau gahuaaaga ne ua.

12) Ka e kua kaeke ko e fai tagata e magafaoa haaku he fale gagao he magaaho ka taatu e tagata tatalu COVID ke he Kaina Leveki he tau Momotua. Haohao nakai a lautolu mo e maeke nakai au ke finatu kia lautolu?

Haohao mafola a lautolu ha ko e mena mamao mo e Kaina Leveki he tau Momotua. Taha e mena to fai fatifatiaga ke lat mo e ahiahi ke he fale gagao he tau magaaho ia.

13) Ka e kua kaeke ko e toketā taha mo e tau nosi foki ne leveki atu ke he Tagata Tatalu COVID ne omai leveki kia lautolu he fale gagao lahi.

Kaeke kua fai tagata tatalu COVID he Kaina Leveki he tau Momotua, ko e mena 2 e matakau gahua he fale gagao - ekekafo mo e nosi, taha matakau ka leveki kia ia ne tatalu, ti taha e matakau ka leveki kia lautolu fa mahani he tau aho oti. Ko e puhala ke aua neke pikitia taha. Ko e kaugahua kia ia ne tatalu COVID, ko e gahua ni ke leveki kia ia, ti nakai maeke ke kitia foki falu tagata gagao. Ko e kaugahua nai to nonofo he taha kaina kua fakatoka pauaki ma lautolu ato malolā e tagata.

Ko e tau tauteuteaga puipui he tagata to tapulu ki ai e kaugahua katoa he fale gagao, he tau magaaho oti.

14) Lahi nakai e koloa he fale gagao ke tivi aki e moko COVID?

Lahi e koloa he fale gagao ke tivi aki e moko COVID ha lautolu e tau pasese ne omai he vakalele mo lautolu ne gahua mo e tau pasese he malē vakalele.

15) Kaeke kua moua taha he gagao COVID ne nofo he Kaina Leveki Puipui Gagao, ti fefē e falu pasese ne toe?

Haia e tau fakatokaaga he faahi gahua Malolō Tino, tuga e tivi tumau, tui e tau pā ihu, mo e falu puhala fakameā tuga e holoholo tumau e tau lima.

ROCKSAFE (tau fanoaga he tagata)

16) Ka e kua ka nakai fai pepa RockSafe au?

Maeke ia ko e ke moua foki e taha lau pepa mai he Fale Gagao Niue Fooou.

17) Ka e kua ka galo e lau pepa RockSafe haaku?

Maeke ia koe ke moua foki taha lau pepa fooou mai he Fale Gagao Niue Fooou.

FALU HUHŪ KE FAKAMAAMA

18) Ko e ha ne kua fakagofua e tau pasese ke omai ki Niue he magaaho nai? Loga agaia e tau tagata gagao COVID mo e pikitia i Okalana. Ko e ha ne nakai fakatali ai ato nakai fai gagao pihia ha tagata I Okalana po ke holo hifo a Okalana ke he papahi numela 2?

Ne talahau he Takitaki Lahi he Faahi Gahua Malolō Tino a Niu Silani, ko lautolu ne moua foou e gagao COVID, ko e mena pikita mai fakahaga ia lautolu fakamua, ka e ko e vahega moko COVID Delta, ko e loa lahi e hiku, ti to nakai to hifo e numela ke “ai fai” he ha magaaho kū il mua.

Ne pe he e Palemia a Niue:

“Ko e mena fakamua ha tautolu ke fakatūmua e malolō mo e nonofo mafola he tau tagata i Niue. Ko e mena ia ne lagaki hake e puipui he tau kala he motu tuga e papahi lanu moana ne kua fakagahua ke lata mo e tau pasese omai ke he motu ato hoko ke he aho 18 ia Oketopa 2021.

Kua mailoga e tautolu, ko e tau matakainaga Niue ne kua nonofo fakatali i Okalana kua fakatali foki ke fai vahā tapu foki to liliu mai ki kaina. Fakaue lahi kia lautolu ne fakatali ke liliu mai ke he motu ha ko e ha lautolu a fakamanavalahi ke he fekau nai. Iloa foki e tautolu, nakai fia liliu mai a lautolu ke he motu mo e tamai e kavega mamafa ko e moko Covid delta.

19) Fifili fefē a lautolu ka liliu mai he vakalele fakamua? Ko hai ka fifili?

Ko e tau fatifatiaga ke fifili a lautolu ke tuku fenoga mai ke he motu ne kua tapiki ke he Fakailoaaga Tukufenoga: ko e tau tagata nofomau he motu (lautolu ne fenoga faka- ekekafo, tau fanau fakaako), tau tagata nofo pemita, tau tagata gahua fifili, mo e falu foki. Haia e matakau mai he Ofisa Gahua mo e tau motu i fafo, mo e Ofisa Fakamooli Tagata hau mo e fano fenoga, ne fifili e tau higoa mo e fakatatai atu ke he Fakailoaaga Tukufenoga, mo e ko e Fono Ikipule ke fakamooli e fifiliaga fakahiku.

20) Kua fakamau he Folau Vakalele Air NZ e nofoa vakalele haaku- ti kua mau nakai au ke tukufenoga?

Ko e Ofisa gahua mo e tau motu I fafo ka fakamooli e fenoga haau kaaeke kua fai poko a ko e he kaina nofo puipui gagao, mo e kua katoatoa e tau huki puipui (huki lagaua) mo e kua tivi I Niu Silani mo e nakai moua e moko gagao COVID.

21) Ko hai haaku ka matutaki ki ai?

Telefoni + 683 4308 po ke meli hila: Niue.Secgov@mail.gov.nu

TAU VAHEGA VAI HUKI PUIPUI

22) Ko e vahega vai huki fefē ne fakaaoga e Nue

To talia e Niue e ha vai huki puipui kaeke kua talia he Matakau kitekite vai tului a Niu Silani ko Medsafe.

23) Ko e tau fanau haaku ne nakaila tu e 12 e tau tau moui ne nakaila huki puipui ti kapaletū e loto haaku ha kua pihia mo e maeke ke moua he gagao.

Pete ni e nakaila huki puipui a lautolu he atu tau 5 -12 e tau tau moui, ko e puhala ke lagomatai a lautolu ke huki oti e tau mamatua mo e tau magafaoa ne nonofo mo lautolu. Ti fakamalolō ke mahani meā tuga e holoholo e tau lima

Kua iloa foki he magaaho nai ko e kautaha Pfizer ne kua kumi fakaatāaga he motu ko Amelika mo e matakau TGA / Ausetalia ke fakaaoga e vai huki puipui ke he tau fanau kua tu e 11 tau mo e i lalo hifo he 11 tau mo e liga to fakaaoga foki i Niu Silani he tau foou.

**VAKALELE PASESE FAKAMUA KI NIUE
18 OKETOPA 2021
KAINA NOFO PUIPUI GAGAO I HOMOFITI**

TAU FAKATOKAAGA (MALĒ VAKALELEAO)

- *Kua lata e tau kaugahua he malē vakalele ke tui e tau taute puipui PPE fakataha he tau magaaho oti.*

Hohoko mai ki Niue

- *Ko e Takitaki Leoleo ka fakamanatu e tau mena taute i loto he vakalele.*
- *Ko e tau pā ihu mo e tau afi lima to tufa ke he tau pasese ke tui to ohifo mai he vakalele (Mailoga: To tukuage ke he tagata gahua a Peleni's Travel ne fa hu fakamua ki loto he vakalele ka tu)*
- *Ko e tau pasese oti kia tui e tau PPE ne kua tufa age he Takitaki Leoleo ti tui he tau magaaho oti to hohoko atu ke he kaina nofo puipui gagao.*

Ofisa Fakamooli Tagata hau mo e Fano Fenoga, Faahi Gahua Puipui moko/ Faahi Gahua Kasitamu

- *To nakai gahua taha he faahi he male vakalele ka hohoko mai ki ai e tau pasese*
- *Kia tukuage e tau passports ka fakaatā mai he kaina nofo puipui gagao. Kia poki e tau pepa o fenoga ne kua fakapuke ti fakafano ke he faahi kasitamu, faahi puipui moko mo e faahi malolō tino.*

Tivi Malolō tino he hoko mai

Ko e tivi he tau malolō tino to taute he Kaina nofo puipui gagao I Homofiti ka e nakai taute he male vakalele.

Fenoga ko Homofiti

- *Ko e tau pasese oti kia oatu ke he tau peleōafi ne kua fakatoka. K e tau ki he peleōafi haia he foh. Ko e Takitaki leoleo mo e taha foki ka fia fakaholo.*
- *Ke Takitaki Leoleo ka lau e tau pasese ki Homofiti mo e tau kato, liga 2 po ke 3 e uta. KO e tau pasese ka lau e tau kato ki loto he tau peleōafi ti lau ki fafo ka hoko ki Homofiti.*
- *Taha e motoka he faahi gahua leoleo ka fakatauō mo e tau peleōafi pasese mo e tau koloa, mai he male vakalele ki Homofiti , he tau magaaho oti.*
- *Ko e peleōafi lau pasese, kia toka I Homofiti ke 7 e aho to fakaatā mai ki fafo. Ko e kaugahua he faahi malolō tino ka tufa e tau fakatokaaga he IPC ke he tau puhala ke fakameā e tau peleōafi ka oti e fakaaoga.*
- *Kia Mailoga*
 - 1) *Ko e tau kato oti ne fua i Okalana, kia uta hako ki Homofiti.*
 - 2) *Ko e tau koloa ne tamai he feleti to uta he taha tulaki kehe ti fakameā tuga ne fa taute he tau vakalele lau koloa.*

Homofiti MIQ

KAINA NOFO PUIPUI Gagao i Homofiti



- *Ko e kaugahua puipui mafola to ha ha I Homofiti he tau magaaho oti*
- *Ko e holoaga he tau peleoafi he puhalatū I Homofiti to nakai fakaatā he falu magaaho.*
- *Ko e tau fekau ma lautolu ne nonofo puipui gagao kia toka mo e kaugahua puipui mafola. Hanai e tau magaaho kua fakatoka ma e tau fekau ia.*
 - Kai pogipogi 6:00am - 8:00am
 - Kai laā 11:00am -1:00pm
 - Kai afiafi 5:00pm - 7:30pm
- *Kia muiua ke he poakiaga ke nakai fai tagata ke ahiahi mo e tutala fakatagata kae ko e pa uaea he vahālotu, tuga fakamua.*

Tau puha filisa aisa m e filisa momoko

Kua fai filisa aisa m e filisa momoko kua toka he fale fakafeleveia i Homofiti, ke fakaaoga he tau pasese.

Numela telefoni kua lata ke manatu

Homofiti MIQ:

	Phone/Mobile
MIQ Homofiti Security	888 5672
Unit 1	888 4973
Unit 2	888 4976
Unit 3	888 4975
Unit 4	888 4980
Unit 5	888 4972
Unit 6	888 4971
Unit 7	888 4974
Unit 8	888 4977
Unit 9	888 4970
Unit 10	888 4981
Villa	888 4979

Other:

Emergency	999
Niue Foou Hospital	4100 / 4102
Niue Police	4333
Niue Disaster Management Office	4333 / 4349 / 6630
Water	888 6747 / 6076
Power	888 5594 / 888 6919 6076

Kaeke kua fai huhu foki ti matutaki ke he Faahi moua mo e fakafano fekau numela 015 to tuku e ia e fekau ke he tagata kua lata.